

MUDZIMU NDI

MUTALUTSHEDZI WA ENE MUÑE

 Khotsi ashu wa Tađulu, Ipfi li bvaho kha Iwe li do amba zwo engedzeaho u fhira zwe muthu tshifhinga tshiñwe na tshiñwe a kona u ita kana ù amba, ngauri vhathu vho lindela u vhona Iwe. Huno ri a U livhuwa ngauri hu na avho vha re na ndavhelelo, vha khou ḥoda tshiñwe tshithu uri tshi bvelele. Huno musi vhathu vha na dora la tshiñwe tshithu, vhudzivha vhu tshi khou vhidza Vhudzivha, hu fanela u vha na Vhudzivha vhu no fhindula iyo mbidzo. Huno ndi ngazwo ri fhano madekwana a ñamusi, ngauri zwo vha zwi kha mbilu dza avha vhashumeli, na vhathu, u ri kuyhanganya fhethu huthihi u humbelu Iwe u takalelwana na dziphaṭhutshedzo, ri tshi tenda uri U do fhodza vhalwadze huno wa tshidza vho xelaho, nahone wa vhonadza Ipfi Lau.

² Huno ri a rabela, Khotsi wa Tađulu, zwauri U do ri tendela izwi ri tshi U lindela nga u diṭukufhadza, vhusiku na vhusiku. Ngavhe hu tshi vha na u—u shuluwa ha Muya Mukhethwa huhulu, nahone ngavhe muthu muñwe na muñwe a tshi vha bofu kha tshiñwe na tshiñwe-vho u mona nae nga nn̄da ha Mudzimu. Ngavhe hu tshi vha na tshililo tshihuluhulu tshi bvaho vhukati ha vhathu, vha na dora la Mudzimu, u swika hu tshi da mvuseledzo kha shango lothe fhano huno kereke iñwe na iñwe i do ḥala vhathu, vhaitazwîhi vha tshi khou lilela Mudzimu uri a khathutshele, huno—huno Muya Mukhethwa u tshi khou fhodza vhalwadze, u tshi khou ita uri vha ḥudzaho vha tshimbile, huno u tshi khou vusa vhabu, nahone u tshi khou tendela izwi zwithu zwo fulufhedziswaho Ipfini Lau.

³ Ida, Murena Yesu, huno u khunyeledze pfulufhedziso Yau. Ida kha riñe madekwana a ñamusi. Ri tenda uri U a sa shanduki mulovha, ñamusi, na lini na lini, uri pfulufhedziso Dzau a dzi koni u kundelwa. Maṭađulu na lifhasi zwi qo kundelwa fhedzi Ipfi Lau a li nga kundelwi. Ngavhe pfectes yashu i tshi vulea. Ngavhe Muya Mukhethwa u tshi da huno wa vhea mavu o liñwaho. Ngavhe pfectes yashu i tshi vulea kha Muya na maanda a Mudzimu madekwana a ñamusi, uri A kone u vhonadza Maipfi o fulufhedziswaho Awe nga riñe. Ngauri ri zwi humbelu Dzinani la Yesu. Amene.

⁴ Zwino, madekwana a ñamusi, vho inwi vhane na sedza liñwalwa, kha ri fhende Bivhilini kha Bugu ya Petro Ya Vhuvhili, huno ri thome nga ndimana ya 15, u itela fhedzi ndila ya u amba nga ha Luñwalo lwa zwifhinga zwi si gathi.

Hafhu ndi do lusa uri nga murahu ha musi ndo no lovha tshifhinga tshothe izwi zwithu ni zwi elelwe.

Ngauri riñe a ro ngo tevhela zwikimu two lukiwaho, dzingano, musi ri tshi ni dīvhadza maanda na hone u da ha ene Murena Yesu Kristo, fhedzi ro vha ri vhavhoni vha vhuhulwane hawe.

⁵ Izwo ndi a zwi funa, “vhavhoni.” Hu si luñwe lungano. Ri thanzi ya zwine ra khou amba nga hazwo.

Ngauri o ḥanganedza zwi bvaho ha Mudzimu Khotsi khuliso na vhugala, huno ha da ipfi lingafho-ngafho khae li bvaho vhugalani havhudivhudi, Uyu ndi Murwa mufunwa wanga, ane Nda mu takalela.

Huno ili ipfi lo bvaho ṭadulu ro ili pfa, musi ro vha ri nae thavhani khethwa.

Nahone ri na ipfi la vhuporofita lo khwañhesaho; zwine ni nga ita zwi re zwone arali ni tshi li thanyela, sa tshedza tshi no vhonestshela... fhethu hu re na swiswi, u swika mapfuvhi a tshi tswuka, huno masase ya ṭavha mbiluni dzañu:

Ni tshi dīvha itshi u thoma, uri a hu na vhuporofita ha lunwalo vhu re ha ḥalutshedzo ya tshidzumbe.

Ngauri vhuporofita a ho ngo da zwifhingani zwa kale nga lufuno lwa muthu: fhedzi vhathu vhakhethwa vha Mudzimu vho amba vho hwalwa nga Muya Mukhethwa.

⁶ Ngavhe Murena a tshi engedza phaṭhutshedzo Dzawe kha u vhalwa ha Ipfi Lawe. Zwino, ndi khou yo dzhia ino sa ḥoho: *Mudzimu Ndi Muṭalutshedzi Wa Ene Muñye.*

⁷ Ri khou tshila kha ḫuvha la ndado. Ri khou tshila kha ḫuvha line munna na vhasadzi vha sa dīvhe na zwine vha tea u ita. Tshiñwe na tshiñwe, tshi—tshi vhonala tshi kha vilili. Tshiñwe na tshiñwe, tshi vhonala tshi tshi nga hu na ndila nnzhi nga maanda dza u tshi sedza. Izwo ndi Sañhane, u ita izwo.

⁸ Zwino, Mudzimu a nga si kone u haṭula vhathu nga ndila yo lugaho, nga ndila yone, nndani ha musi hu na muñwe muelo une A tea u vha haṭula ngawo. Huno Bivhili i amba zwauri U do haṭula vhathu whothe nga Yesu Kristo, huno Yesu Kristo ndi Ipfi. Kha Yohane Mukhethwa, ndima ya 1, Lo ri:

U rangani Ipfi o vha e hone, huno Ipfi o vha e na Mudzimu, huno Ipfi o vha e ene Mudzimu.

Huno Ipfi a itwa ñama, huno a dzula na riñe, . . .

⁹ Zwino, zweithe zwine ra vha zwone ñamusi ndi ḥano la zwitäluli Zwawe. Kha Mudzimu... Tsha u thoma O vha e si Mudzimu, Mudzimu, ri do tou Mu vhidza “ene Uyo wa U Ya Nga Hu Sa Pheli.” O vha e si Mudzimu, ngauri ipfi (ipfi la Tshiisimane) God li amba “tshithu tsha nduvho” huno ho vha

hu si na tshithu tsha u Mu luvha. Ngauralo O vha e ene Uyo wa U Ya Nga Hu Sa Fheli, tshi—Tshisima tshihulwane tsha vhuṭali hoṭhe. Huno kha itshi Tshisima tsha vhuṭali hoṭhe ho vha hu si na atomo, molekule, kana tshithu, hu si na tshedza huṇwe fhethu, ɳaledzi, ɳwedzi, tshiṇwe tshithu-vho. Mudzimu, ane ra mu divha sa Mudzimu, Muya muhulwane we wa vha u wa U Ya Nga Hu Sa Fheli (na kathihi a wo ngo thoma, na kathihi a wo ngo guma), O vha e hone. Huno Khae ho vha hu na zwiṭaluli: two vha zwi zwiṭaluli zwa u vha Mudzimu, zwenezwo zwiṭaluli Zwawe zwa u vha Khotsi, zwiṭaluli zwa u vha Murwa, zwiṭaluli zwa u vha Mutshidzi, zwiṭaluli zwa u vha Mufhodzi. Izwi zwiṭaluli zweothe two vha zwi Khae. Huno zwino U... Izwi zwithu two petuļuwaho u bva tsheetsho zwi tou vha zwiṭaluli Zwawe zwi no khou phonadzwa.

¹⁰ Zwine nda khou amba, *zwiṭaluli* two vha zwi “mihumbulo” Yawe. Huno ḥone—ḥone *ipfi* ndi “muhumbulo wo bulwaho.” Huno zwenezwo uyo wo vha u kha ngelekanyo Yawe. Huno musi O ri, “Kha hu vhe na,” huno ha vha na. “Kha hu vhe na,” huno ha vha na.

¹¹ Huno zwino, elelwani, vhoiñwi Vhakriste no vha ni mihibulo Yawe hu sa athu vha na shango. Huno ni u vhonadzwa ha ngelekanyo Yawe. Hu sa athu vhuya ha vha na shango, no vha ni kha Kristo, (amene) kha Mudzimu ngei mathomoni. Izwo zwi ni ita, zwenezwo, ni a vhon, vhaluvha Vhawe. Huno tshithu tshothe ndi Mudzimu, Ene muñe, a tshi khou ita Ene muñe matheriala uri a kone u farea uri A faree, a vhonwe, na—na zwiṇwe-vho. Huno izwo ndi zwine Mudzimu a vha zwone, tshithu tshothe.

¹² Zwenezwo vhatu vha ri, “Thalutshedzo...” Ndo vha ndi tshi khou amba fhano zwa zwenezwino muṭanganoni, munna a ri kha nne, a ri, “Mukomana Branham, ni na ḥalutshedzo yo khakheaho. A ni khou ḥalutshedza Iqo nga ndila yone.”

¹³ Zwino, ri pfa...Vha ya kha Mumethodisi, huno vha ri “Mubaphuthisi ha ḥalutshedzi nga ndila yone.” Mubaphuthisi u ri, “Vhapentekostała a vha ralo.” Mupentekostała u amba zwauri “Vhu—Vhuthihi a vhu ralo.” Vhuthihi vhu ri, “Vha Dzikhuvhangano a vha ralo.” Huno muñwe na muñwe u ri muñwe ha ralo.

¹⁴ Mudzimu ndi Muṭalutshedzi Wa Ene muñe! Ha ḥodi muñwe muthu a tshi Mu ḥalutshedzela. U ita ḥalutshedzo Ya Ene muñe. Naa ndi nnyi munna ane a nga ḥalutshedza Mudzimu? Mudzimu ndi Muṭalutshedzi Wa Ene muñe.

¹⁵ Zwino, Petro a tshi khou amba hafha, ri wanulusa uri ngei mathomoni musi Mudzimu a tshi ri, “Kha hu vhe na tshedza,” huno ha vha na tshedza, iyo yo vha i ḥalutshedzo yazwo. Musi Mudzimu a tshi amba tshiṇwe na tshiṇwe huno tsha vhonadzwa, zwenezwo iyo ndi ḥalutshedzo ya Mudzimu ya uri Ipfì ḥawé

ndi lone. Ni a vhona? Musi A tshi ri, "Kha hu vhe na tshedza," izwo zwe vha zwi kha ngelekanyo Yawe u thoma hu sa athu vha na tshithu tshi no nga tshedza. Musi A tshi ri, "Kha hu vhe na tshedza," tshedza tsha fhufhela lutomboni, iyo ndi yone thalutshedzo. A hu na muthu a no tea u ḥalutshedza izwo, ngauri Mudzimu o amba nga u ralo huno zwa vha hone. Musi Mudzimu a tshi amba huno zwa vhonadzwa, iyo ndi thalutshedzo ya Ipfi Lawe. Ndi ngani vhanna izwo vha sa zwi vhoni? Ndi ngani vhathu izwo vha sa zwi vhoni?

¹⁶ Musi Mudzimu a tshi ita pfulufhedziso huno Mudzimu a ri... Ngei—ngei mathomoni, kha Genesi, O kovhela tshikhathi tshinwe na tshinwe Ipfi Lawe Li tshi khou tsela fhasi u bva mathomoni u ya vhufheloni. Huno, u tsa fhasi kha izwi zwikhathi, tshivhidzo tsha shango tsho ita uri izwi zwithu zwe the zwi vhilinganywe nga maitile, na zwiñwe-vho, huno Mudzimu tshifhinga tshothe u rumela vhuponi, u tsa na Testamente Ndala na Ntswa, vhaporofita! Huno Ipfi la Murena li dela muporofita. Huno Li zwi ita hani? Li vhonadza Ipfi la Mudzimu. U vhonadzwa ha Mudzimu, uho hu amba uri ndi zwone kana zwe khakhea. A hu na muthu a no tea u Li ḥalutshedza, Ipfi li a Dītalutshedza. Mudzimu o zwi fulufhedzisa huno heneffo zwi a bvelela!

¹⁷ Zwi farisani u amba tshinwe tshithu-vho nga Halo? Naa ndi nnyi munna muvhi a no do lingedza u amba (ngeno Mudzimu o ita pfulufhedziso nahone Mudzimu a tshi zwi ita) uri iyo thalutshedzo yo khakhea? Uyo ndi Mudzimu Ene muñe a tshi khou ita ḥalutshedzo Ya Ene muñe, a tshi khou ḥalutshedza. Ha ḥodi muñwe muthu wa u Mu ḥalutshedza, U a Dītalutshedza nga u vhonadza zwe A fulufhedzisa uri U do zwi ita.

¹⁸ Oo, arali tshivhidzo tsho vha tshi tshi nga vhona izwo fhedzi huno tsha vhona pfulufhedziso dzo kovhelwaho tshikhathi tshinwe na tshinwe! Zwikhathi zwiñwe na zwiñwe zwe the, Mudzimu o rumela vhuponi (na u tsa fhasi na zwikhathi zwa tshivhidzo zwa sumbe) nahone a vhonadza tshinwe na tshinwe tshe A fulufhedzisa u tshi ita. Tshinwe na tshinwe, a hu na na tshithu tsho salaho tshi songo itwa. Kokotolo! Zwe A amba uri U do zwi ita, izwo O zwi ita.

¹⁹ Ngauri musi Mudzimu o amba, ngei murahu kha Yesaya, O ri, "Musidzana u do dihwala," huno a ralo. Zwino, ndi nnyi—ndi nnyi ane a nga ḥalutshedza izwo? Mudzimu o no ita ḥalutshedzo. O ri, "Musidzana u do dihwala," huno a dihwala. Zwino, inwi ni nnyi... ni nga si kone... A hu na tshire tshi nga ambiwa nga ha hezwo, ngauri Mudzimu o ri u do ralo huno a ita. Fhedzi tshivhidzo tsho vha tsho itesa bofū tshifhingani itsho u zwi vhona. Ni a vhona, vho vha vhe na muhumbulo wavho nga hazwo. Wo vha wo fhambana lwo kalulaho—lwo kalulaho na zwe vha vha vha tshi khou zwi lavhelela.

²⁰ Petro hafha o vha a tshi khou amba nga zwa murahu, a ri, "Mudzimu o vhonadza Kristo nga Ipfi Lawe, A ri, 'Uyu ndi Murwa mufunwa Wanga.'" Avha vhatendi vho vha vho ima heneffho. Huno Kristo o vha e u vhonadzwa ha Mudzimu. Tshifhinga tshothe O vhonadza Kristo nga Ipfi Lawe, ngauri Kristo ndi Ipfi. Tshifhinga tshothe U a vhonadza.

²¹ Musi O ri... Maduvhani a Noaxe, Kristo o vha e kha Noaxe. Naa izwo ni a zwi tenda? Noaxe o ri, "I khou yo na. Hu do vha na mvula, lifhasi li do tshinyadzwa." Ya na. Izwo a two ngo ḥoda ḥalutshedzo. Yo na ngauri Mudzimu, e kha Noaxe, o ri, "I khou yo na." O vha e muporofita, huno vhuṭanzi ho vha ha uri zwe a amba zwi a khunyelela. Ngauralo a vha tei u zwi ḥalutshedza izwo.

²² Vhanwe vhavho vha nga di vha, u mona hothe, vho ri, "Uyu munna ha divhi zwine a khou amba nga hazwo."

²³ Fhedzi Mudzimu tshifhinga tshothe o fulufhedzisa, "Arali ha vha na munwe vhukati haṇu a re wa maya, kana muporofita, huno zwine a amba zwa khunyelela, zwenezwo zwi pfeni." Izwo ndi zwone, ngauri ndi ngoho. Zwi fanela u vha u ya nga Ipfi. Huno Noaxe o vha e u ya nga Ipfi. Musi o porofita uri i do na, huno ya na. Izwo a two ngo ḥoda ḥalutshedzo ya hezwo, ngauri yo tou ita zwenezwo.

²⁴ Yesaya o ri, "Musidzana u do dihwala," huno a ita. Zwino, izwo two vha zwi songo dowelea zwihiulwanesa. Ngauri, ni a vhona, ho vha hu nga murahu ha miñwaha ya mađana manzhi yu musidzana a sa athu dihwala.

²⁵ Two vha zwi songo dowelea nga maanda u swika munna wavhuđi we dzina a vha a tshi pfi Yosefa, munna wawe, "e munna o lugaho huno a sa funi u mu shonisa kha vhathu..." Uyo munna wavhudi maduvhani ayo, zwi fanela u vha two vha hani kha Yosefa musi o vha o fulufhedzisa u mu mala, o fulufhedziswa Maria.

²⁶ O vha o fulufhedziswa. Nga ilo duvha, u vunda uho, two vha zwi tshi tou fana na u ita vhupombwe. Huno, a hu na zwiñwe, kha Yosefa, two vhonala zwi tshi nga Maria o vha a tshi khou lingedza u mu shumisa sa thivhelo, kana u mu ita uri a vhe tshiñgangu tsha vhukhakhi hawe, ngauri hafha o wanala a tshi khou yo vha mme, a songo maliwa, o tou fulufhedziswa u maliwa fhedzi. Vhukwila ho raloho, o vha a tshi do kandwa nga matombo a fa; two do tea u ralo, nga mulayo.

²⁷ Huno Yosefa, munna wawe, o vha e munna o lugaho, munna o lugaho nga maandža. O vha a tshi tenda Mudzimu. Huno musi a tshi do mu sedza nga ayo mađo o nakaho, mahulu matete, huno a ri, "Yosefa, Gabriele Muruñwa muhulu o ndalela huno a mmbudza zwauri ndi khou yo dihwala, ndi sa divhi munna."

²⁸ Zwino, arali Yosefa o vha a tshi do vha o sedza murahu Luñwaloni, muporofita o ri u do ita zwenezwo! Ho vha hu

Mudzimu we a vha a tshi khou ḥalutshedza Ipfi Ła Ene muñe! Ni a vhona? Fhedzi zwe vha zwi songo ḥowelea nga maanda.

²⁹ Iyo ndi yone thaidzo kha tshikhathi tshiñwe na tshiñwe. Ipfi la Mudzimu ndi lisili kha vhathu; Ndi li songo ḥoweleaho nga maanda. Mudzimu tshifhinga tshothe u ita zwi songo ḥoweleaho. Ndi hu songo ḥoweleaho huñwe na huñwe hune Mudzimu a vha hone. Hu lwa na sisteme dza shango, ngauri vha na zwithu nga ndila ine vha elekanya uri zwi tea u vha ngayo. Fhedzi Mudzimu u a dzhena huno a ita zwi songo ḥoweleaho.

³⁰ “Uyu musidzana o vha a tshi nga ḥihwala hani?” O vha a tshi fhlufhedzea, o ḥoda Mudzimu nga hazwo.

³¹ Huno zwenezwo Mudzimu a amba nae nga muloro, huno a ri, “Yosefa, iwe murwa wa Dafita, u songo ofha u dzhia Maria mufumakadzi wau, ngauri tshe a ḥihwala ngatsho ndi tsha Muya Mukhethwa. Mudzimu o mu tiba nga murunzi. Izwi ndi zwe zwa zwi ita.”

³² Naa no vhuya na zwi dzhiela nzhele uri Mudzimu o shuma hani na Yosefa heneffho? Nga ndila ya vhuvhili, nga ndila ya muloro. Zwino, ri a divha uri hu na miloro, ri tenda kha miloro. Ndi tenda kha miloro. Ho vha... Mudzimu tshifhinga tshothe o shuma na vhathu nga miloro. Fhedzi miloro ndi ya vhuvhili, ni a vhona, i nga di vha yone kana yo khakheaho nga nn̄da ha musi yo ḥalutshedzwa. Fhedzi ho ngo ḥoda na ḥhalutshedzo. Ho vha hu Mudzimu Ene muñe a no khou amba o livhana na Yosefa, ngauri ho vha hu si na muporofita shangoni nga ayo mađuvha wa u ḥalutshedza. Ho vha hu songo vha na muporofita lwa miñwaha ya madana maña. Ngauralo tshi tevhelaho tsha khwinesa, tshe Mudzimu a londa vhulondavhathu, mbadelalwendo ya murwa Wa Ene muñe, ho vha u amba na Yosefa nga muloro nahone hu si na ḥhalutshedzo. O ri, “Musadzi u kha ngoho. Itshe Tshithu Tshikhethwa tshe a ḥihwala ngatsho ndi Murwa wa Mudzimu.” A zwe ngo ḥoda na ḥhalutshedzo.

³³ Mudzimu u ita ḥhalutshedzo Yawe Ene muñe kha mbilu dzi fulufhedzeaho, dzo dñekedzelaho, vhanna na vhasadzi vha no sedza kha tshi—tshithu tshire tsha mangadza, arali ni tshi fulufhedzea huno no dñekedza nahone ni tshi do tenda, Mudzimu u na ndila ya u ni ḥalutshedza tshore. Tsha u thoma, wanulusani arali i pfulufhedziso. Arali Yosefa o vha o tou ya murahu huno a ḥutshela maitele huno a humela murahu kha Bivhili, huno a wanulusa, Yesaya o ri wa musadzi o vha a tshi khou yo zwi ita izwo.

³⁴ Huno zwithu zwe zwa ambiwa, na mbebo Yawe, na zwothe nga hazwo zwe ambiwa nga Mañwalo, “nga vhaporofita vhakhethwa,” sa Petro o amba. Huno a hu na muthu a re na pfanelo ya u vhea ḥhalutshedzo ya tshidzumbe kha izwo. Zwi tou vha kokotolo zwe Mudzimu a ri zwi do itea. O vha e u vhonadzwa

ha Ipfi la Mudzimu lo fulufhedziselwaho ilo duvha. Mudzimu o zwi amba, ngauralo zwa vha hone. Izwo zwo li ladza.

³⁵ Yesu o ri... Musi O vha e kha lifhasi, musi vho kundelwa u pfectesa mushumo Wawe, wo vha u muhulwane nga maanda, u zwiwo nga maanda, (vho kundelwa), wa tshiwo, kha ndi ralo. Vho kundelwa u Mu pfectesa. O ri, "Fhendani Mañwalo!" (Ndi a fhulufhela thi khou ni dzingisa afho nn̄da, ndi tshi thuthubisela ngomu ha hetsho.) "Fhendani Mañwalo, ngauri Khao ni elekanya uri ni na Vhutshilo Vhu Sa Fheli, huno ndi One ake a N̄tanzilela." Ni a vhona? "Ndi One a no ni vhudza uri Ndi Nyi."

³⁶ Ni a vhona, Mudzimu o kovhekanya Ipfi. Ilo duvha lo vha li tshi tea u vha u vhonadzwa ha Mudzimu, Mudzimu (Imanuele) u na rine, "Dzina Lawe li do pfi Mu-laya-vhułolo, Mueletshedzi, Mukololo wa Mulalo, Mudzimu wa Maanda, Khotsi wa Lini Na Lini. Huno Dzina Lawe li do pfi *Imanuele*, 'Mudzimu u na rine.'" Mudzimu o vha e kha Dafita. Mudzimu o vha e kha Mushe. Mudzimu! Uyo ndi Mudzimu ndilani yothe, a tshi khou Divhonadza kha itshe tshikhathi. Fhedzi tshikhathi itshe, "Musidzana u do dihwala huno u do beba Murwa, huno U do vha Mudzimu u na rine."

³⁷ Izwo ndi zwe vha Mu vhambela zwone, a tshi Diita Mudzimu, nahone na u vunda Sabatha. O vha—O vha e Mudzimu kha Sabatha, nahone Ô vha e Mudzimu. Huno O vha a sa tou vha munna zwave kana muporofita zwave (nangwe zwo ralo O vha e Munna zwave na Muporofita), fhedzi O vha e Mudzimu-Muporofita. Nahone O vha e u khunyelela ha Ipfi, kokotolo zwe Mudzimu a amba uri U do ita. Ho pfi, "Naa ndi nnyi kha vhoiñwi ake a nga Nkhañulela tshivhi? Fhendani Mañwalo! Khao ni elekanya uri ni na Vhutshilo Vhu Sa Fheli, huno ndi one a no N̄tanzilela." Fhedzi maitele avho, vho vha vha tshi khou tshila tshedzani tshi sa penyesi tsha tshiñwe tshikhathi.

³⁸ Vhunga ndo vha ndi tshi khou rera vhege dzi si gathi dzo fhiraho, "U tshila tshedzani tshi sa penyesi." Tshedza tshi sa penyesi ndi "madzivhañombe," duvha li tshi divhonisa, huno li la khole-khole. Huno tshedza tshi sa penyesi tsha tshiñwe tshikhathi ndi tshivhonisa tsha khole-khole. Vhatu tshifhinga tshothe vha khou tshimbila kha tshiñwe tshithu tshe tsha bvelela miñwahani yo fhiraho. Vha Luther vha khou tshimbila tshedzani tshi sa penyesi tsha Luther. Tshedzari tsha Luther tsho vha tshi tshavhudzi nga duvha lawe; Wesley o vha e wavhudzi nga duvha lawe; Pentekostała yo vha i yavhudzi nga duvha layo. Ri khou bvela phanda nthā ha leri, ri khou tshila kha tshiñwe tshikhathi! Ri khou bvela phanda, phanda, ri nga si kone u dzulela u sedza murahu.

³⁹ Musi ri tshi tokomelwa rine vhañe kha zwithu, ri elekanya uri ro zwi wana zwo zweþhe, ri ita uri maitele ashu a putelwe; huno izwo zwo vha zwo luga nga ilo duvha, fhedzi

ri khou bvela phanda! Fhendani Mañwalo huno ni vhone zwe fulufhedziselwaho ɔnamusi, zwenezwo ri do ɔivha hune ra vha hone, zwenezwo ri nga amba he ra ima hone.

⁴⁰ Luther; no vha ni tshi nga sedza Luñwaloni huno na vhona ngomu ha itsho—ngomu ha itsho tshikhathi tsha Saradesi, ni nga kona u vhona kokotolo zwe zwa fulufhedziswa. Sedzani uri ho ya munameli wa lushaka-de, sedzani tshe tsha ya u mu ḥanganedza, kokotolo, “u thanya ha muthu,” tshandululo. Sedzani Wesley, na vhañwe-vho. Musi tshi tshi tsela fhasi ngomu ha tshikhathi tsha Pentekoste, na fhasi kha itsho tshikhathi, sedzani uri tsho enda hani. Sedzani Mañwalo huno ni vhone hune ra vha hone. Ndi ngazwo Yesu o ri, “Fhendani Mañwalo!”

⁴¹ Ni a vhona hune ra vha hone! Ndi a tenda uri ri kha U Da ha Murwa wa Mudzimu zwino. Ndi a tenda uri ri kha tshikhathi tsha—tsha yeneyo awara ine A nga di bvelela tshifhinga tshiñwe na tshiñwe. Ndi a tenda uri Mañwalo a ɔivhadza zwauri, zwauri ri kha awara dza u fhedzisela dza ɔivhazwakale ya lino shango. Ndi a kona u vhona zwithu zwi tshi khou vhumblea. Ni a vhona iyi Khoro Ya Tshikriste Ya U Vhuedzanya yo ranga phanda zwivhidzo zwe ɔthe ngomu hayo, ngomu ha luswayo lwa livhanda. Huno vhonani Mphaya ya Roma na zwine ya khou ita, na dziñwe dzothe. Dzi vhoneni dzi tshi vha fhethu huthihi, dzi tshi valela Tshedza, dzi tshi valela Mafhungo-madjifha. Muñwe na muñwe u do tea u vha wayo huno a tshimbila zwedzani zwavho kana a ni nga do tshimbila na luthihi. Ni a vhona, ri kha tshifhinga tsha vhufhelo. A hu na tshe tsha ri salela nga nnnda ha u farelela kha Mudzimu huno ra tenda Ipfi Lawe. Ipfi li dzula li ngohoni tshifhinga tshothe.

⁴² Kha tshikhathi tsha tshivhidzo tsha Laodikea, itsho tsho vha tshi tshikhathi tsha tshivhidzo tshi tshothe, tshazwo zwe ɔthe, he Kristo a vha o vhewa nnnda ha tshivhidzo. O vha e nga nnnda, a tshi khou khokhonya. Naa ho bvelelani? Iyi Khoro Ya Tshikriste Ya U Vhuedzanya ndi yone i no khou yo Mu vhea nnnda. Bivhili yo amba uri U do vha nga nnnda, huno U ralo. I valelani? Ipfi. Huno ndi Ene Ipfi, tshifhinga tshothe O vha e Ipfi, huno U kha di vha Ipfi madekwana a ɔnamusi! Ndi Ene Ipfi.

⁴³ Bivhili yo ri, “Ipfi li na vhuhalo, u fhira banga la mutsheahotho,” Vhaheberu, ndima ya 4, “muñalukanyi wa mihibulo na zwine mbilu ya fhima zwone.” Ipfi lo vha lo ralo! Vho vha vho tea vho ɔivha uri O vha e Nyi musi Yesu a tshi amba izwo nga ilo ɔuvha.

⁴⁴ Sedzani zwe A ita. Nga liñwe ɔuvha O vha o ima heneħħala, u thoma ha mathomoni a mushumo Wawe. Ho vha na munna we a da Khae, ane dzina a pfi Simoni, Simoni Petro. Huno musi Petro o Mu sedza huno—huno a Mu vhona, Yesu o ri khae, “Dzina lau ndi Simoni huno u murwa wa Yona.” (O vha o tea u vha o ɔivha uri Mushe o ri, “Murena Mudzimu wañu u do vusa Muporofita a

no nga nne, huno Ene ni fanela u mu pfa.”) Huno Munna ngoyu we a vha a sa athu mu vhona vhutshiloni hawe na kathihi, a ri, “Dzina lau ndi Simoni huno u murwa wa Yona.” Mulandu, o zwi divha nga itsho tshifhinga uri uyo a nga si vhe a no fhira . . . A vho ngo vha na muporofita lwa miñwaha ya mađana, huno Munna ngoyu u khou mu vhudza uri ndi ene nnyi. A zwi mangadzi o kona u zwi ṭanganedza!

⁴⁵ Filipo, nga itsho tshifhinga, o ya huno—huno a wana Nathaniele phasi ha muri, huno a mu vhuisa ha Yesu. Yesu a ri “Vhonani Muisraele a si na vhufhura.”

A ri, “Rabi, naa Wo nnđivha lini?”

⁴⁶ A ri, “Filipo a sa athu vhidza, musi wo vha u phasi ha muri, Ndo u vhona.”

⁴⁷ A ri, “Rabi, Iwe u Murwa wa Mudzimu! U Khosi ya Israele.” O divha izwo zwe zwa vha zwi zwone! Mini? A zwo ngo ḥoda na thalutshedzo, Jehovah o zwi amba izwo!

⁴⁸ Henefho ho vha ho ima avho vhe vha sa zwi tende. Vho ri, “Uyu Munna ndi Belesebulu. U na—U na luñwe lushaka lwa vhukwila lune A khou lu kokodza. Ndi—Ndi ene mudzia-ubvumba, kana tshiñwe tshithu.”

⁴⁹ Yesu a vha sedza, huno a ri, “Mulandu, inwi na amba izwo ni tshi lwa na Murwa-muthu, ni do hangwelwa zwone. Fhedzi musi Muya Mukhethwa wo da u ita zwenezwo zwithihi, u amba ni tshi lwa Nawo, na kathihi a ni nga hangwelwi zwone, shangoni lino kana shangoni li daho.” O vha a tshi khou porofitela ḫuvha ḫashu, ḫuvha line ra tea u vhona. Ngauri Ndi ene a sa shanduki mulovha, ḫamusi, na lini na lini.

Elelwani, ho vha hu Yesu Kristo we a vha e kha Mushe.

⁵⁰ Ho vha hu Yesu Kristo we a vha e kha Dafita. Musi Dafita, murwa wa . . . Dafita o gonya thavha, khosi yo landulwaho, huno a tswimilela Yerusalem, uyo o vha e si tshithu nga nnđa ha Kristo khae. Ngauri kha miñwaha i no ḥodou swika mađana a malo ngavhuja, Murwa wa Dafita o dzula kha Thavha ya Miñwari huno a sedza phasi kha Yerusalem huno a tswimila, nahone a ri, “Yerusalem, Yerusalem, ndi kangana Ndo vha ndi tshi do vha ndo u kuvhatedza vhunga phambo yo vha i tshi do vha yo ralo kha khukhwana dzayo, fhedzi a no ngo ḥoda!”

⁵¹ Musi Yosefa o vha e dzhele, uyo o vha e Yesu. Musi o rengiswa nga zwipiđa zwa silivhere zwi no ḥodou swika nga maanda zwa furaru, uyo o vha e Yesu. Musi a tshi itwa mushumi wa Potifar, uyo o vha e Yesu. Musi a tshi dzula kha tshanda tsha u la tsha Farao. Huno musi a tshi ṭuwa, muñwe na muñwe . . . porompiṭa ya lila, huno muñwe na muñwe o do tea u gwadama, uyo o vha e Yesu. A hu na we a vha a tshi nga kona u da kha Farao nga—nga nnđa ha Yosefa fhedzi; a hu na ane a nga da nga Mudzimu, ndi

nga Yesu fhedzi. Ho vha hu Yesu, Ipfi lo porofitwaho li tshi khou khunyelela, we a amba nga mirunzi na zwifanyiso.

⁵² Musi Yesu o vha e fhano kha lifhasi, O ita zwenezwo zwithihi zwe vhaporofita vha ita, ndi ngazwo vho zwi divha uri O vha e u vhonadzwa ha Mudzimu ha Ipfi Lawe. A zwo ngo ḥoda u ḥalutshedzwa.

⁵³ Musi Nathaniele a tshi vhona izwi, a gwadama fhasi, a ri, “Iwe u Khosi ya Israele, Murwa wa Mudzimu, Khosi ya Israele. Ri a zwi divha uri Iwe, a hu na muthu we a kona u ita izwi.”

⁵⁴ Nikodemo o da vhusiku, a amba zwenezwo zwithihi u itela Vhafarisei. Fhedzi, ni a vhona, vho vha vho hungelelwa kha Khoro Ya Tshikriste Ya U Vhuedzanya yavho lwe vha kundelwa u Li ḥanganedza. O bula zwe vha amba, a ri, “Rabi, ri...” Naa “riñe” ndi vhonnyi? Khoro yavho! “Ri a zwi divha uri Iwe u mudededzi a bvaho ha Mudzimu, ngauri a hu na muthu we a kona u ita izwi zwithu nndani ha musi Mudzimu e Nae.” Vho Li limuha, vho zwi divha uri Lo vha li lone, fhedzi vho vha vho hungelelwa nga maanda khayo.

⁵⁵ Huno Mudzimu, kha miñwaha yo fhiraho ya fuiña, o dzinginyisa ulu lushaka nga ndovhedzo ya Muya Mukhethwa, huno munna kana vhasadzi vha kha di vha nga nn̄da Hayo ngauri vho hungelelwa kha tshithu tshenetsho tshithihi, vha tshi khou tshila kha tshedza tshi sa penyesi tsha liñwe duvha. Naa thaidzo ndi mini? Muñwe na muñwe u ḥodou vha Mumethodisi, Mubaphuthisi, Mupresbiterieni, Mułułtere, kana tshiñwe tshithu. Ni a vhona, ndi tshedza tshi sa penyesi.

⁵⁶ Vho vha vha tshi khou tshila kha tshedza tshi sa penyesi tsha duvhani la Mushe. Naa o ri mini? O ri... Vho ri, “Ri vhafunziwa vha Mushe.”

⁵⁷ A ri, “Arali no divha Mushe, no vha ni tshi do Nndivha. Mushe o ñwala nga ha Nñe!”

⁵⁸ Arali no divha Luther, no vha ni tshi do divha itsi tshikhathi! Arali no divha Mumethodisi, no vha ni tshi do divha itsi tshikhathi! Ngauri Kristo o nwala nga ha itsi tshikhathi! Maipfi a no khou khunyelela a tea u khunyelela kha tshino tshikhathi. A Li ḥodi muñwe muthu wa u Li ḥalutshedza, Mudzimu u ita thalutshedzo Ya Ene muñe. Mudzimu u a Dítalutshedza, ngauri Ndi Ene fhedzi ake a kona u Li ḥalutshedza. Pfulufhedziso dla Mudzimu tshifhinga tshothe dzi khwañhisedza zwe A amba, huno iyo ndi ḥalutshedzo.

⁵⁹ Zwino, Yesu, (u vhulunga tshifhinga), Yesu o ri, kha Yohane Mukhethwa, ndima ya 14, ndimana ya 12, “Ane a Ntenda, mishumo ine Nda ita na ene u do ita.” Naa O zwi amba? Izwo ndi zwone. Izwo a zwi ḥodi na u ḥalutshedzwa. Musi muñwe muthu a tshi ita uyo mushumo, uyo ndi Mudzimu. Zwa vhukuma!

⁶⁰ Nahone O amba ngomu heneffo, “Sa zwe zwa vha zwi zwone mađuvhani a Loto, zwi do ralo kha u da ha Murwa-muthu.” Yesu o zwi amba izwo. Naa O zwi amba? Zwa vhukuma, O zwi amba! Izwo a zwi ṭodi na u ṭalutshedzwa.

Vha ri, “Zwo ralo, izwo zwo amba . . .”

⁶¹ Zwo amba kokotolo zwe A amba! “Sa zwe zwa vha zwi zwone mađuvhani a Loto, zwi do ralo kha u da ha Murwa-muthu.” Mîni-ha nga ha mađuvha a Loto? Kha ri humele murahu lwa tshifhinganyana, ri wanuluse zwe vha vha tshi khou ita.

⁶² Ho vha hu na kilasi tharu dza vhathe mađuvhani a Loto: mutendi, mudzia-u-điitisa, na mudzia-u-sa-tenda. Avho vha kha gogo liñwe na liñwe, zwenezwo zwithihi.

Ri wanulusa uri Vhasodomi vho vha vhe mudzia-u-sa-tenda.

Loto o vha e mudzia-u-điitisa.

⁶³ Abrahamu o vha e mutendi. Ndi ene we mulanga wa khwâthisedza khae. Ndi ene we a vha a tshi khou ṭoda murwa o fulufhedziswaho. Ndi ene we a vha a tshi khou mu lavhelela. Amene. (A thi khou “ri amene” kha nñe muñe. *Amene* zwi amba “Nga zwi vhe nga u ralo!”) Huno izwo ndi zwone. Abrahamu o vha a si Sodoma. Abrahamu o vha e nthâ nahone nnâha Sodoma. Ndi ene tshifanyiso tsha Tshivhidzo tsha maya ñamusi.

⁶⁴ Loto ndi tshifanyiso tsha tshivhidzo tshi re dinomineisheni phasi ngei Sodoma. Sedzani, Bivhili yo amba zwauri, “Zwivhi zwa Sodoma zwo dina maya wawe wo lugaho dûvha na dûvha.” Ndi ngani a songo vha na tshivhindu tsho edanaho tsha u lwa nazwo? Hu na vhanna vhanzhi vhavhudî vho dzulaho tshivhidzoni ñamusi, vha no sedza nnâha huno vha vhona vhasadzi vho ambara dzishothi na munna a tshi khou ita izwi zwithu, huno mirado yavho i tshi ya, i tshi khou tambo golofo nga Swondaha, na zwimima zwa mushashadzo, nahone vha tshi bambela na zwithu, vhudzuloni ha u ya tshivhidzoni. Vha tshi dzula hayani vhusiku ha Lavhuraru, vha tshi khou sedza thelevishini, vhudzuloni ha u ya tshivhidzoni. Vha pfa vha tshi nga vha nga amba tshiñwe tshithu nga hazwo, fhedzi bodo i do vha bvisa. Naa thaidzo ndi mini? Ndi Loto hafhu, a tshi khou sedza nga nnâha nga fasitere lawe huno a tshi vhona tshivhi, huno a tshi ofha u vhidza tshivhi “tshivhi”!

⁶⁵ Abrahamu o vha e si kha vhuâda havho, o vha e nnâha haho. O vha e tshifanyiso tsha Tshivhidzo tsha maya. Zwino sedzani zwe zwa bvelela heneffo kha tshifhinga tsha vhufhelo, heneffo mulilo u sa athu wa. Huno avho vho vha vhe Vhannda. Lo nea tsivhudzo ya mulilo u tshi wela shango la Vhannda ñamusi, musi mivhuso I tshi do kwashua nahone ya fhiswa. “Mađađulu a do swa nga mulilo,” u ralo Murena, “huno a do swa nga mufhiso wo kalulaho.” Izwo zwe vha zwi murunzi wazwo.

⁶⁶ Zwino kha ri vha fanyise. Ngoyu Abrahamu o no di bva, hu si Sodoma, o vha e nn̄da ha Sodoma. Loto o vha a tshi kha di vha Sodoma.

⁶⁷ Tshithu tshi kanukisaho, nga mañwe matsheloni a fhisaho, i fanelu u vha yo vha i tshi ḥodou rwa awara ya fuminthihi n̄tha ha tshithoma, a vhona vhanna vhararu vha tshi khou da, munna zwawe, a tshi khou tsa nga bada, ndila. Abrahamu o vha o dzula phasi ha muouku, a tshi khou diawelela. O vha e nn̄da, thañwe e na masambi nga matsheloni ayo, a dzhena, hu tshi ḥodou vha masiari tshivhangalala. Huno a vhona vhanna vhararu vha tshi khou da. Huno ho vha hu na tshiñwe tshithu malugana na avho vhanna, itsho, tsho lidza tsimbi. Yawee, nñenñe!

⁶⁸ Tshifhinga tshothe hu na tshithu malugana na Mudzimu, musi A tshi da vhukati ha vhathu, U lidza tsimbi. Vha a Mu divha. Hu na tshiñwe tshithu tshine tsha vha vhudza, hu na khwathisedzo heneffho.

⁶⁹ Abrahamu o gidima nga u ṭavhanya, huno a ri, "Murena wanga, ida ngeno huno ntendele ndi wane madinyana, ndi yo a ka huno ndi ṭanzwe milenzhe Yau, huno ndi U nee kupida kwa tshinnkwa, huno zwenezwo U nga bvela phanda ndilani Yau." Ngauralo a ya nga thungo. A gidima sambini huno a wana namana nahone a i vhulaha, a vha na mulanda wa u i lugisela uri i bikwe. A dzhena denndeni, afho phasi hawe, huno a wana Sarah uri a suke fulauru, a ite zwiñwe, kana tshiñwe tshiliwa, a ite tshiñwe tshinnkwa, nahone a ite dzikhekhe kha tshivhaso. A dzi bvisela nn̄da huno a avha. Musi o dzula heneffho, a tshi khou la, vha thoma u dzhiela nzhele, uyu Munna a dzulela u sedza thungo ya Sodoma. Huno A ri . . .

⁷⁰ Vhavhili vhavho, elelwani, vho tsela ngei Sodoma. Vhavhili vho ya Sodoma. Ndi humbelu uri izwi ni songo zwi pfela thungo. Ndi khou amba nga ha zwe Yesu a amba. Vhavhili vhavho vho ya Sodoma u bvisa Loto na tshe tsha vha tsho dilugisela u bva henengei. Huno avho vhavhili vho tselaho henengei, vho ya nahone vha rera. (Huno ho vha na Muñwe we a sala murahu na Abrahamu. Sedzani tshiga tshe A ita.) Vho wana tshiga henengei, ho vha hu na . . . Vhasodom vho rwiwa vha vha mabofu. U rera Mafhungo-maqifha tshifhinga tshothe hu ita uri mudzia-u-sa-tenda a vhe bofu. Huno dzhielani nzhele tshe tsha zwi ita.

⁷¹ Zwino, hu na Muñwe o imaho hafha murahu huno a ita tshiga phanda ha Abrahamu.

⁷² Zwino, no no vhuya na dzhiela nzhele, mudivhazwakale muñwe, tevhelani Mañwalo, tevhelani divhazwakale, na kathihi a hu athu vha na tshifhinga kha zwikhathi zwa tshividzo he munna a vhuya a ya kha zwivhidzo zwa maitele ngei nn̄da shangoni, ngei nn̄da kha dzidinomineisheni, na kathihi a hu athu vha na munna ane dzina lawe la guma vhunga Abraham, h-a-

m, u rangani. Fhedzi namusi vha na muñwe, G-r-a-h-a-m. Izwo ndi zwone. A tshi tsela henengei, a tshi vha vhidzela nn̄da. U khou ita mushumo u mangadzaho ngalo. Graham, Billy Graham, mulanda wa Mudzimu ngei nn̄da vhukati ha dzidinomineisheni, vhapolitiki, na vhañwe-vho, a tshi khou zwi pwashékanya.

⁷³ Linwe duvha musi vha tshi ṭoda uri a vhe Muphuresidennde, a zwi furalela tshothe. Mudzimu, nga a mu fhaṭutshedzele zwenezwo. Mulandu, idzo khamphani dza wisiki, na kathihi o vha a tshi do vha a songo swika musanda wa u thoma arali dzo vha dzi dzone. Dzo vha dzi tshi do vha dzo shumisa dolara dza bilioni, ngauri o vha a tshi do vha o dzi bvisa nga iñwe ndila, idzo khamphani dza sigarete na zwithu zwi no nga zwenezwo. Ni a vhona, u henengei nn̄da sa muñinda wa Mudzimu kha Vhasodom. Izwo ndi zwone kokotolo.

⁷⁴ Fhedzi elelwani, ho vha na Muñwe we a dzula ngei nthā na Abrahamu, muñwe Munna, hu si avho vhavhili vho tselaho fhasi hangei vhunga vhaevangeli vha musalauno vho tselaho hangei u rera. Dzhielani nzhele, ho vha na Muñwe we a dzula ngei nthā. Vhavhili vho tsela thungo *holuļa*, huno Muñwe o dzula *hafha* na Abrahamu. Huno uyo Muñwe o dzulaho na Abrahamu o muñea tshiga.

⁷⁵ Zwino sedzani, dzina lawe lo vha li “Abram” huno mufumakadzi wawe o vha e “Sarai,” ho tou sala duvha lithihi kana mavhili phanda ha izwo. Mudzimu o vha o bvelela khae huno a mu vhudza, “Ndi khou shandukisa dzina lau zwino u bva kha Abram u ya kha Abrahamu.” (Ni a vhona, G-r-a-h-a-m ndi małedere a rathi, munna.) Fhedzi A-b-r-a-h-a-m ndi małedere a sumbe, a sumbe; h-a-m, li tshi guma nga h-a-m.

⁷⁶ Zwino, ngeno nthā Tshivhidzoni tsha maya, ho vha na Muñwe ngei nthā kha Abrahamu, huno dzhielani nzhele zwe A amba. O ri, “Abraham,” (hu si “Abram”) “Abraham, mufumakadzi wau u ngafhi” (hu si “S-a-r-r-a”) “S-a-r-a-h? Naa Sarah mufumakadzi wau u ngafhi?”

⁷⁷ Sedzani zwe a amba, “U denndeni murahu Hau.”

⁷⁸ Huno A ri, “Ndi do u dalela. Ndi khou do u dalela.” Ni a vhona ilo lisala la vhuñe, uyo Muñwe, u ya ngā pfulufhedziso ye A i ita. Uyo o vha e Mudzimu! O ri, “Ndi khou do u dalela.”

⁷⁹ Huno Sarah, (nga ndila ye riñe rothe ra vha ri tshi do pfesesa) a setshela ngomu, kha ene muñe, a ri, “Nñe, mukegulu, wa miñwaha ya qana, murena wanga” (we a vha e Abrahamu) “na ene o kalaha, o fhira tshifhinga tsha vhutshilo tshazwo sa vhathu vhaswa.” Ha pfi, “Mulandu, ri nga si tsha kona u vha na madakalo o raloho, ndo kegula huno ene o kalaha.” Huno a ri, “Ro kundelwa u vha nae.” Huno a ri, “Hani? Izwi zwithu a two ngo konadzea!”

⁸⁰ Huno mu—Munna (Mudzimu namani ya muthu) a ri, “Ndi ngani Sarah o sea nahone a timatima, a tshi khou amba izwi zwithu?” Denndeni, murahu Hawe.

⁸¹ Zwino sedzani, arali uyo u si mushumo wonoyo muthihi we Yesu Kristo a vha e nawo! O sedza mnda kha vhathetshelesi huno a vhona muhumbulo wavho. O vhudza Petro uri ndiene nnyi na uri dzina la khotsi awe lo vha li lifhio. A vhudza Nathaniele.

⁸² O vhudza musadzi tshisimani, musi o ri... A ri, “Iya u Nngwanele tshinwiwa,” kana “Ndisele tshinwiwa.”

⁸³ A ri, “Mune wanga, a hu na ndowelo ya uri Iwe u ambe na... vhoiwi Vhayuda u amba na Vhasamaria. A ri konani nga tshashu.”

⁸⁴ A ri, “Fhedzi arali wo vha wo divha uri u khou amba na Nnyi, wo vha u tshi do Nkhumbela tshinwiwa.” Mihani ya bvela phanda. A ri, “Iya u dzhie munna wau huno u de ngeno.”

A ri, “A thi na munna.”

A ri, “Wo amba zwone, ngauri wo no vha na vhačanu.”

A ri, “Muñe wanga!”

⁸⁵ Sedzani phambano vhukati ha uyo na vhone—na vhone vhotshifhe vha ilo duvha, iyo khoro i tshi khou tshila tshedzani tshi sa penyesi tša linwe duvha. Vho ri, “Uyu ndi Diabolo!” Vho do tea u fhindula tshivhidzo tshavho kha tshinwe tshithu, ngauri tsho ḥoda zwenezwo.

⁸⁶ Fhedzi uyu musadzi muṭuku a ḫungufhadzaho o itani, iyo Mbeu yo tiwaho i mbiluni yaye... O vha a tshi khou lwalla nahone o neta nga izwo zwithu, o vha o no tshimbila zwiṭaraṭani sa murengisamuvhili. Fhedzi musi o no vhona Uyo, a ri, “Muñe wanga, ndi a vhona uri U Muporofita. A ro ngo vha na muthihi lwa miñwaha ya mađana maña, nahone ri a vhudzwa uri musi Mesia a tshi da izwo ndi zwithu zwine A do ita.” Yawee, nnenñe! Iyo Mbeu i heneffo ya fhufhela vhutshiloni! Mulandu? A yo ngo ḥoda na u ḫalutshedzwa.

⁸⁷ Yesu o ri, “Ndi nne Ene a no amba na iwe.” Izwo a two ngo ḥoda na u ḫalutshedzwa. O vha o no ita ḫembe nahone o no ḫanziela uri O vha e uyo Mesia, amene, nahone a ḫanzilela kokotolo zwe Mudzimu a vha o fulufhedzisa (“Murena Mudzimu wañu u do vusa Muporofita a no nga nne,” o ralo Mushe). Naa ho vha hu mini? Khwaṭisedzo ya Luñwalo!

⁸⁸ A gidimela ngomu mudini, huno a ri, “Idani, ni vhone Munna We a mmbudza zwithu zwe nda ita. Naa uyu a si ene-ene Kristo? Naa uyu a si Ene? O mmbudza zwe nda ita.”

⁸⁹ Zwino dzhielani nzhele, Yesu, uyo o vha e Ene hangei n̄tha kha uña Munna we muṭana Wawe wa vha wo furalela dennde huno a amba zwe Sarah a vha a tshi khou elekanya nga hazwo ngomu denndeni.

⁹⁰ Ipfi la Mudzimu li ri, kha Vhaheberu, ndima ya 4, uri... U amba izwi, "Ipfi la Mudzimu li na maanda o engedzeaho na vhuhali vhu fhiraho ha banga la mutshea-hothe, li tshea nga vhukati ha mwongo wa shambo, nahone ndi mutalukanyi wa mihumbulu na zwine mbilu ya fhima zwone." Ndī Ipfi! Huno tshifhinga tshiñwe na tshiñwe tshe muporofita a da, o da na Ipfi, huno o vha e Ipfi la itsho tshikhathi. Huno o itani? Muporofiti we a ̄talukanya miumbulo ye ya vha i mbiluni.

⁹¹ O zwi ita e kha Yesu Kristo nge A vha e u khunyelela ha Ipfi.

⁹² Huno Yesu a ri, "Sa zwe zwa vha zwi zwone mađuvhani a Sodoma, zwi do ralo kha u da ha Murwa-muthu." Muya wa Mudzimu u do da kha lifhasi nga tshivhumbeo tsha vhathu, Mudzimu o vhonadzwaho ñamani ya muthu (Amene! Naa ni a zwi vhona?), nahone u do ita zwenezwo zwithihi zwe Mudzimu a ita e ñamani ya muthu ngei Sodoma. Elelwani, vho vha vho lindela murwa o fulufhedziswaho. Huno, henehfo nga murahu ha izwo, murwa o fulufhedziswaho a da. Itsyo tsho vha tshiga tsha u fhedza tshe Sodoma na tshigwada tsha Abrahamu tsha vhona murwa o fulufhedziswaho a sa athu da. Naa izwo no zwi dzhieila nzhele? Huno zwino Tshividzo tsha myua tsho swika kha iyo awara.

⁹³ Muñwe muthu o ri, "Mukomana Branham, naa no ri 'uyo o vha e Mudzimu'?"

⁹⁴ Bivhili yo ri, O vha e Mudzimu! A zwi ̄todi na u talutshedzwa. O vha e Elohim. Izwo ndi zwe Abrahamu a Mu vhidza zwone. Muvhali muñwe na muiwe wa Bivhili izwo u a zwi ñivha. *Elohim*, "Uyo-o-edanaho-tshothe." O vha e Mathomo, Magumo; Mathomoni, Vhufhelo. Elohim! Abrahamu o Mu vhidza "Elohim." Mudzimu (nga mađedere mahulwane nga Tshihevheru), Elohim; u tou fana na ngei mathomoni, "Mudzimu," Elohim.

⁹⁵ O vha e Elohim o vhonadzwaho ñamani ya muthu, o ambara zwiambaro zwa muthu, a tshi la zwiliwa zwa muthu. Amene! Tshiga tsha uri mađuvhani a u fhedzisela Mudzimu u do bvelela hafhu vhukati ha vhathu Vhawe e ñamani ya muthu! Amene! Yesu o ri, "Mishumo ine Nda ita na ñawi ni do ita. Huno sa zwe zwa vha zwi zwone mađuvhani a Sodoma, zwi do ralo kha u da ha Murwa-muthu." Amene! Izwo a zwi ̄todi na u talutshedzwa; zwi ̄toda u vhonadzwaho, izwo ndi zwone zwine zwa ̄toda. Amene. Naa izwo ni a zwi tenda?

Kha ri kotamise zwifhañuwo zwashu.

⁹⁶ Khotsi ashu wa Tađulu, ri U ñea pfulufhedziso Yau madekwna a ñamusi ya uri Wo amba izwi zwithu. Wo zwi fulufhedzisa. A hu na ane a nga ita uri Ipfi Lau li tshile nga nn̄da ha Iwe. Wo ri, "Kha hu vhe na tshedza," huno ha vha na tshedza. A hu na ane a tea u zwi ̄talutshedza izwo, zwo vhonadzwa.

⁹⁷ Vhunga ro redza Yesaya, muporofita, “Musidzana u do dihwala,” o ita; a zwi ḥodi na u vhonadzwa, o zwi ita. Izwo ndi zwe zwa bvelela.

⁹⁸ Wo amba, musi A tshi da U do bebelwa Betlehema, “U bva Betlehema, Yuda. A si iwe muṭuku kha vhakololo vhoṭhe vha Yuda, vha Israele? Fhedzi kha iwe hu do bva Muvhusi wa vhathe Vhangā.”

⁹⁹ Zwithu zwe A vha a tshi do ita, zwe A vha a tshi do lilisa zwone ngei tshifhambanoni, uri O vha a tshi do haṭulwa hani, a rungwa milenzhe Yawe na zwanda Zwawe; “O rungelwa zwivhi zwashu, huno o pwashekanyelwa vhutshinyi hashu; ḥamu ya mulalo washu yo vha i Khae; ro fhodzwa nga ntho Dzawe.”

¹⁰⁰ Nga ndila ye Dafita a ri, “A thi nga litshi muya Wawe vhudzulavhafu, nahone A thi nga litshi Uyo Mukhethwa Wangā a tshi vhona u sina.” Huno nga ḫuvha la vhuraru, awara dza fusumbembili dzi sa athu dzhena uri dzi sinise muvhili Wawe, Ipfi la Mudzimu lo ri, “U do vuwa.” (Vho ri vho tswa muvhili Wawe; vha kha di zwi tenda.) Fhedzi riñe ri a tenda, Murena, Ipfi Lau! Lo vhonadzwa. Yesu Kristo o vuwa nahone A ri, “Ndi do... Vhonani, Ndi na inwi tshifhinga tshoṭhe, na u swika vhufheloni ha shango.”

¹⁰¹ Ri tenda zwauri U hone fhano madekwana a ḥamusi. Ri tenda uri U tou vha Yesu Kristo onoula madekwana a ḥamusi, fhano, vhunga We wa vha u ene misi yoṭhe. Huno U khou ḥoda fhedzi maṭo, zwanda, milenzhe, mulomo, mimuya, mivhili, ine U nga kona u shumisa u Divhonadza. Mudzimu, ri khethefhadze madekwana a ḥamusi, uri ri kone u vhona Yesu Kristo a tshilaho a tshi tshila vhukati hashu. Mu tendele a de! Zwenezwo hu do khunyelela, vhunga ndala ya vhalā Vhagerika vho daho nga ilo ḫuvha, nahone vha ri, “Muṇe washu, ri do ḥoda u vhona Yesu.” Huno vha ya vha Mu vhona. Oo, ndi munyanyuwo-de nandi we wa fanela u vha wo vha wone musi vha tshi Mu sedza!

¹⁰² Mudzimu, U a sa shanduki ḥamusi. Nahone Wo ri fulufhedzisa uri arali ra vha na ndala ri nga U vhona. “Lwa tshifhinganyana, huno shango a li nga do Mmbona” (mudzia-u-sa-tenda); “fhedzi naho zwo ralo ni do Mmbona, ngauri Ndi do vha na inwi, na kha inwi, u swika vhufheloni ha shango.” Ri a zwi ḫivha uri U a sa shanduki mulovha, ḥamusi, na lini na lini.

¹⁰³ Murena, Maipfi o ambiwa, zwo ḥwaliwa, zwino i ri zwi itwe, u itela Vhugala ha Mudzimu, u sumbedza uri U vhulunga Ipfi Lawe. Amene. Mudzimu a ni fhaṭutshedze.

¹⁰⁴ Ndi khou yo vhidza muduba wa thabelo. Ndi tenda uri Billy o ri o ḥekedza garāta dza thabelo, ya u thoma u swika kha ya qana, kana tshinwe tshithu tshi no nga tshenetsho. Haho fhano zwa zwino. Naa... Naa nomboro ya garāta ya thabelo ndi ifhio... Muṇwe muthu sedzani nga murahu ha yanu... I do-i do vha

nomboro na—na leđere (A, B, C, D, kana . . .). Naa ndi mini, A? Zwo luga.

¹⁰⁵ Kha ri vhe na A, nomboro ya u thoma, ya vhuvhili, ya vhuraru, ya vhuña, ya vhuțanu. Itonu thoma no ima nga ndila iyi. A, nomboro ya u thoma, nomboro ya vhuvhili, nomboro ya vhuraru, nomboro ya vhuña. Ina, a tho ngo i vhona i tshi ima. Garaća ya thabelo ya nomboro ya vhuña. Nthihi, mbili, raru. Thabelo . . . Khamusi a vha koni u takuwa. Arali vha sa koni, muñwe muthu sedzani kha garaća ya mudzulatsini wañu, a nga di vha e na garaća huno a sa koni u ima. Nga u ḥavhanya zwino. Ngeyo, ina. Thanu, garaća ya thabelo ya nomboro ya vhuțanu. Rathi, sumbe, malo, ṭahe, fumi, fuminthihi, fumimbili. Itonu thoma u da ngeno ntha zwino nomboro dzañu dici tshi vhidzwa. Nomboro ya u thoma, ya vhuvhili, ya vhuraru, itonu bva heneffho nga iyi ndila. Nomboro ya garaća ya thabelo ya u thoma, ya vhuvhili, ya vhuraru, ya vhuña, ya vhuțanu, ya vhurathi, ya vhusumbe, ya vhumalo, ya vhuṭahe, ya vhufumi, ya vhufuminthihi, itonu dzhia fhethu hañu. Fuminthihi, fumimbili, fumiraru, fumiña, fumithanu, fumirathi, fumisumbe, fumimalo, fumiṭahe, fumbili, fumbilinthihi, fumbilimbili, fumbiliraru, fumbiliña, fumbilithanu. Hu na muñwe muthu ane a nga si . . .

¹⁰⁶ Ndi vhona muṭhannga kha tshidulomilinga ngei murahu. Arali nomboro yañu i tshi vhidzwa, murwa, nahone—nahone arali ni sa koni u wana . . . zwo luga, itonu imisa tshanda tshanu, ri do vhaba zwauri ni swika ngeno. Ni a vhona?

¹⁰⁷ Ndi vhangana ngomu hafha vha si na garaća ya thabelo huno nangwe zwo ralo ni a lwalá? Kha ri vhone zwanda zwanu, huñwe na huñwe. Henehafha, izwo ndi zwone, takulelani zwanda zwanu ntha. Naa ni a tenda? Musi vha tshi vha kuvhanganya, naa Ilí ni a li tenda, la uri U a sa shanduki mulovha na lini na lini? Ndi vhangana? Sedzani avha vhashumeli; naa Luñwalo a lu ambi ḥamusi, vharathu, uri Ndi ene Tshifhe Muhulu a no kona u pfela vhuṭungu u shaya nungo hashu? Naa izwo ndi zwone? Ndi vhangana vhane izwo vha zwi tenda, ni a imisa tshanda tshanu? Ndi ene Tshifhe Muhulu a no pfela vhuṭungu u shaya nungo hashu.

¹⁰⁸ Zwenezwo arali Bivhili i tshi ri, “U a sa shanduki mulovha na lini na lini,” ndi vhangana vhane izwo vha zwi tenda? Zwenezwo ḥamusi O vha a tshi do ita hani? O vha a tshi do tea u ita vhunga O ita mulovha. Naa izwo ndi zwone? Naa U ngafhi madekwana a ḥamusi? O dzula kha tshanda tsha u la tsha Muhulwane, muvhili Wawe; Muya Mukhethwa u fhano tshifhañoni, u Mu ita uri a ñivhee.

¹⁰⁹ Dzhielani nzhele, zwino sedzani. Naa ho bvelelani musi muñwe muthu o kwama tshiambaro Tshawe ngei murahu, musadzi nga linwe ḫuvha? O vha a si na garaća ya thabelo, ri nga ralo, hedzi o kwama tshiambaro Tshawe. Huno musi o kwama

tshiambaro Tshawe, Yesu o rembuluwa huno a ri, “Ndi nnyi o Nkwamaho?”

¹¹⁰ Petro a Mu kaidza, huno a ri, “Mulandu, Murena, izwo a zwi pfali zwi tshi pfala. Mulandu, muñwe na muñwe u khou lingedza u U kwama. Ndi ngani u tshi ri, ‘Ndi nnyi o Nkwamaho?’”

¹¹¹ A ri, “Fhedzi Ndi a pfa uri Ndo kulea nungo.” Ndi vhangana vha no zwi ñivha izwo? *Maanda*, zwine zwa amba uri “nungo,” dzo bva Khae. “Ndo kulea nungo, muñwe muthu o Nkwama nga u kwamea ha mufuda wo fhambanaho.” Huno A rembuluwa nahone a sedza vhathetshelesi u swika A tshi wana he iyo ndila ya lutendo ya vha i hone.

¹¹² Muñwe na muñwe o vha a tshi khou vhea zwanda zwawe Khae, “O Rabi, ri a U tenda,” na izwi zwe ñothe.

¹¹³ Fhedzi ho vha hu na muñwe muthu we a Li tenda zwa vhukuma. Huno a kwama tshiambaro Tshawe huno a tenda uri o fholo, ngauri o amba mbiluni yawe zwauri arali a tshi nga zwi ita izwo ndi zwe zwa vha zwi tshi ño bvelela.

¹¹⁴ A rembuluwa huno a sedza kha vhathetshelesi u swika A tshi mu wana, huno A ri... a mu vhudza uri ñombe yaye yo ima nahone o fholo. Naa izwo ndi zwone? Zwino, iyo ndi ndila ye A ita, kha vhathetshelesi vha vhathe.

¹¹⁵ Zwino, ndi khou amba uri Ho ngo fa, U kha di tou tshila nga maanda ñamusi sa zwe A vha e zwone. Huno Bivhili yo ri, Yesu o amba, Ene muñe, “Sa zwe zwa vha zwi zwone maðuvhani a Sodoma, zwi ño ralo kha u ña ha Murwa-muthu.”

¹¹⁶ Zwino sedzani, a hu londwi uri Mudzimu u na lushaka-de lwa tshifhiwa ngeno ñtha, hu tea u vha na muñwe afho fhasi, na ene-vho, wa u tshi fhindula. O dzhena mudini, Bivhili yo ri, “Ho vha na zwithu zwintchi zwe A kundelwa u zwi ita nga ñwambo wa u sa tenda havho.” Naa izwo ndi zwone? Ndi zwenezwo zwithihi ñamusi. Ni tea u Mu tenda. Ni tea u tou Mu tenda. Iyo ndi yone ndila i ñothe ine ni nga kona.

¹¹⁷ Naa muduba wa thabelo wo luga? Zwino, muñwe na muñwe nga a ñonifhe lwa miniti i no ñodou swika ya fumi. A thi ñivhi uri kana ndi ño fhedza heneffo naa, ndi na vha no ñodou swika fumbilithanu kana furaru vho imaho heneffo. Fhedzi zwino, kha muduba wa thabelo, muñwe na muñwe wa vho inwi neyeo nn̄da mudubani wa thabelo ni no ñivha uri ndi mutsinda kha inwi, nahone a thi ñivhi tshithu nga ha inwi, imisani tshanda tshañu. Muñwe na muñwe a re mudubani wa thabelo.

¹¹⁸ Zwino nn̄da kha vhathetshelesi, ni no ñivha uri a thi ñivhi tshithu nga ha inwi, imisani tshanda tshañu. Zwino, zwino, ngezwi zwine nda khou lingedza u amba, khonani, ni a vhona. Zwino, ngezwi. Avha vhashumeli vho ñothe vha re ngeno ñtha kha pulatifomo. Nahone Kristo o ita iyi pfulufhedziso. Ni a vhona, zwe ñwaliwa. Naa zwe vha zwe tea u khunyelela lini? Maðuvhani

a u fhedzisela, U Da ha Murena hu sa athu swika. Naa izwo ndi zwone? Zwo vha zwi tshi tea u khunyelela tshifhingani itsho.

¹¹⁹ Zwino, ilo ndi Ipfi lo porofitelwaho ñamusi. Hu si tshedza tsha Luther; hu si tshedza tsha Wesley; nahone hu si tshedza tsha Pentekoste. Tsho no ya nt̄ha ha ndila zwino. Zwino, vha Luther vho luga; Mumethodisi o luga; Mubaphuthisi o luga; avho vhothe, vha Pentekoste, ndi vhavhuđi. Hu na tshakha dzothe dzo dzulaho fhano madekwana a ñamusi. A si—a si—a si vhathe. Mini-ha arali . . .

¹²⁰ Inwi no vha ni si nga koni na kathihi u vhudza Mumethodisi tshiñwe tshithu nga ha Luther, ngauri u tenda kha khethefhadzo huno Luther ha iti. Ni a vhona?

¹²¹ Inwi na kathihi a ni vhudzi Pentekoste uri “khethefhadzo ndi zwone zweathe,” o no vhona u vhuyedzedzwa ha zwifhiwa. Ha nga ðo zwi tenda izwo. Hai, u na zwinzhi zwi fhiraho izwo. Ni a vhona? Huno itsho ndi tshikhathi tsha tshivhidzo tsha u fhedza tshe ra vha natsho, huno Bivhili i ri a hu tsha ðo vha na zwikhathi zwa tshivhidzo.

¹²² Fhedzi hu tea u vha na khuvhangano ya vhathe, ni a vhona, huno ri hafha. Zwino, elelwani, tshiga tsha u fhedza. Naa rine vhathe ri khou ðoda murwa o fulufhedziswaho? Imisani tshanða tshanu. Naa ni a tenda uri ni Mbeu ya Abrahamu nga u vha kha Kristo? Imisani tshanða tshanu. Zwenezwo, Mbeu ya Abrahamu, tanganedzani tshiga tshanu! A tshi nn̄da ngei Babele, a tshi nn̄da ngei shangoni la dinomineisheni. Tshi fhano vhukati hanu, avho vhane vha sa vñe kha uvho vhuada ngei nn̄da. Zwi tendeni!

¹²³ Musadzi ngoyu, ndi mutsinda tshothe-tshothe kha nne, huñwe fhethu kha vhukale vhu fanaho. Na kathihi a thi athu vhona uyo musadzi vhutshiloni hanga. Arali ndo vha ndi tshi nga kona u fhodza uyo musadzi ndo vha ndi tshi ðo zwi ita, arali a tshi lwala. A thi ðivhi tshithu nga hae. No mu vhona a tshi imisa tshanða tshawe miniti i si gathi yo fhiraho. A—a thi athu mu vhona na kathihi. U sokou vha musadzi zwawe o imaho heneffo.

¹²⁴ Namusi vho tsela ngeno huno vha disa buto la garaña dza thabelo, vha dzi vilinganya huno vha ðzi nea vhathe. Muñwe o wana nomboro ya u thoma ngeno, huno nomboro ya vhufumi ngei murahu, nomboro ya vhufumíthanu, nomboro ya vhusumbe, nomboro . . . nga u tou ralo. Dzo vilinganyiwa dzothe, heneffo phanda hanu, ðuvha liñwe na liñwe. Huno musi vha tshi vhidzwa, vha tou vhidzwa u mona hothe vha tshi bva huñwe na huñwe. Ni a vhona? Huno, zwino, inwi a ni tei u vhuya na vha na garaña ya thabelo, itonu dzula heneffo ni tende. Ndi ngani ni sa . . .

¹²⁵ Dítoteni, madekwana a ñamusi, wanulusani awara ine ra khou tshila khayo. Ni a vhona? Zwino, i tou tsini na u fhela, na yone-vho, khonani. I tou vha tsini na u fhela!

¹²⁶ Zwino, arali Mudzimu wa Abrahamu o vusa Yesu Kristo vhafuni, huno uyo Yesu o fulufhedzisa uri mađuvhani a u fhedzisela zwiga zwenezwo zwithihi zwe Abrahamu...zwe Muruňwa (we a vha e Mudzimu namani ya muthu) a ita phanda ha Abrahamu, musi murwa o fulufhedziswaho a sa athu swika, Yesu o ri zwenezwo zwithihi zwi do itea namusi.

¹²⁷ Zwino, ri vhona dziatomiki na dzidinomineisheni, na izwo zweþhe, na vilinga line vha vha khalo. Ri vhona ene Billy Graham hangei, na Oral Roberts, na avho vhatu vhoþhe ngei nnnda; muđinda wa Pentekoste na muđinda wa dinomineisheni henengei, ri vhona izwo zweþhe zwi tshi khou bvela phanda, zwi tshi khou vuledza tshiga. Billy Graham, muđivhatheolodzhi nga vhudalo, zwine dinomineisheni ya tenda khazwo. Oral Roberts, mufhodzi nga vhudalo, kokotolo zwine Pentekoste...

¹²⁸ Fhedzi sedzani hafha, hu na tshinwe tshithu-vho tsho fulufhedziswaho Mbeu ya Abrahamu. Henengei vha vhukati ha idzo dinomineisheni; hu na tshinwe tshithu *tshi bvaho* kha dzidinomineisheni tshi no tea u bvelela, tshi tshi kuvhanganya vhatu. Ri do zwi litsha u swika vhusiku ha matshelo.

¹²⁹ Sedzani, a thi divhi uyo musadzi. Ndi do rembulutshela khae. Arali Murena Mudzimu a tshi do amba tshinwe tshithu kha uyo musadzi, khamusi ndi—ndi zwa muñani, khamusi ndi zwa tshelede, khamusi ndi zwa u lwala; a thi divhi. U do divha uri kana ndi ngoho kana hai.

¹³⁰ Arali A tshi do ita zwenezwo zwithihi madekwana a namusi zwe A ita tshiffingani itscho, naa ni do tenda Mudzimu we Yesu Kristo a fulufhedzisa uri u do vha fhano mađuvhani a u fhedzisela? Ndi vhangana vha no tenda uri ri khou tshila vhunga ngei Sodoma, musi shango loþhe lo dzhena kha nyimele ya Sodoma? Ndi vhangana vha vhoiñwi vha no tenda uri zwe nda ni vhudza madekwana a namusi ndi Ngoho? Zwenezwo, vhana na Mbeu ya Abrahamu, tendani Mudzimu!

¹³¹ Zwino, u itela uri zwi bve þhalukanyoni yanu zwauri ndi khou lingedza u amba tshinwe tshithu kha musadzi, ndo mu sedza khofheni, kana ndi wana zwithu zweþhe nga u vhala muhumbulo kana tshinwe na tshinwe tshire na þodou divha. Muñwe na muñwe a no divha nga ha u vhala muhumbulo u tea u vha na þhalukanyo ya khwine u fhira uho. Ni a vhona? Ni a vhona? Naa no no vhona muvhalamuhumbulo a tshi khou rera Mafhungo-madifha? Naa no no vhona mudzia-u-amba-na-vhafu a tshi khou rera Mafhungo-madifha, a tshi khou ita zwiga na zwimangadzo, a tshi khou divhadza uri Yesu Kristo ha shanduki? Hai.

¹³² Ni a vhona, i tou vha...i tou vha þhalukanyo ya vhatu. Ni a vhona, ndi mabofu. Naa ni a tenda uri vha nga vha mabofu? Bivhili yo amba zwauri vha do vha one. Naa izwo ndi zwone? “Vha no dihudza, vhadzia-u-þonga, vhane vha

funa zwa madakalo u fhira u vha vha funaho Mudzimu, vha sa vhofhiwi navho fhungo ḥa vha hone, vhasumeleli, vha sa divhofhi, vhanyadzi vha avho vho lugaho, vha na tshifanyiso tsha u nga vha ofha Mudzimu, fhedzi Maanda aho vha tshi a landula.”

¹³³ Naa Yesu ho ngo amba, kha Mateo Mukhethwa 24:24, zwauri “Mimuya mivhili maduvhani a u fhedzisela i do ḥodou fhura vhenevho Vhanangiwa, arali zwo vha zwi tshi konadzea”? Fhedzi a zwi konadzei. Vho vha vhe kha mihumbulo ya Mudzimu ngei mathomoni, huno vha tshipiḍa tsha Mudzimu.

¹³⁴ Zwino, Mudzimu wa Abrahamu, Isaka, na Yakobo, i ri zwi ḥivhee madekwana a ḥamusi uri ndi khou amba Ngoho nga ha Iwe. Ndi Iwe, Murena. Nga u ḥitukufhadza i ri vhalanda Vhau vha kone u bvisa mihumbulo yavho ndilani, uri U kone u shumisa mivhili yashu u itela Vhugala Hau. Ḫzinani ḥa Yesu, Murwa wa Mudzimu. Amene.

¹³⁵ Naa tshifhiwa ndi mini? A si tshiñwe tshithu tshine na dzhia na remba na rembulusa. Hai, hai. Ndi u ḥivha u ḥibvisa ndilani uri Mudzimu a kone u ni shumisa. Tshifhiwa ndi u ḥibvisa fhedzi, zwenezwo Mudzimu u a tshi shumisa.

¹³⁶ Mufumakadzi a re murahu hanga u do fa nga u ḥavhanya arali a sa fhodzwi. Mufumakadzi a re murahu hanga u kha di bvou rabelelwa nga muñwe munna, zwa zwenezwino. U na pfuko. Pfuko i ḥamuni ḥawe na kha mafhafhu awe. Huno u kha di bvou rabelelwa zwenezwino, huno u khou lingedza u i ḥanganedza nga lutendo uri o fhola. Ilo ndi U RALO MURENA! Naa izwo ndi ngoho, mufumakadzi? [Mufumakadzi u ri, “Ee, zwone ngangoho ndi ngoho.”—Mudz.] Arali zwi zwone, imisani—imisani tshanda tshanu kha vhathetshelesi. Mudzimu wa Abrahamu u kha di tshila! Zwo luga, ḥuwani ni tshi tenda zwine na tenda huno ni do vha na mutakalo. Amene.

Inwi ni a tenda? Inwi ni ri, “Mini-ha nga ha vhathetshelesi?”

¹³⁷ Uyu musadzi o dzulaho hafha na wawe... magumoni a muduba, mufumakadzi wa vhuvhili heneffo. Musi ndi tshi mona heneffo ndo vhona tshiñwe tshithu, tshithu u mona na tshanda tshawe, u bomba ha mutsiko wa malofha. U na mutsiko wa malofha u re n̄tha. Naa izwo ndi zwone, mufumakadzi? Imisani tshanda tshanu. Arali ni tshi tenda, mutsiko wa malofha anu u do tsela phasi. Mudzimu wa Abrahamu u kha di vha vhuponi. U tou vha kokotolo zwe a vha e zwone, Ipfi ḥa Mudzimu ḥa ḥino ḥuvha!

¹³⁸ Ni vuwa hani? Inwi ni a tenda zwino? Ivhani na lutendo kha Mudzimu! Hu vhonala hu tshi tou vha n̄wana. Mudzimu u ḥivha mbilu yanu, mufumakadzi muswa, nne a thi ralo. Naa ni a tenda uri Mudzimu u a kona u nnzumbululēla tsho khakheaho? Naa ni do Mu tenda arali ndi tshi do ralo? A si tsha inwi, ndi tsha muñwe muthu-vho, ane a vha khaladzi anu. Huno u khou vhaaisala nga maanda nahone u muḍini u re devhula ha fhano, Tulare. Huno u sibadelo, huno u na lukemiya, nahone madokotela o mu litshedza

uri a fe. A hu na mafulufhelo na luthihi. Izwo ndi zwone. Naa ni a tenda? [Mufumakadzi, a tshi khou lila, u ri, “Ee.”—Mudz.] Zwo luga. Naa ni na mini tshandani tshanu? Itsho tshi dzhieni huno ni tshi vhee khae. Nahone ni songo zwi timatima. Tendani! Amene.

¹³⁹ Naa ni a tenda? Na kathihi a thi athu vhona uyo mufumakadzi vhatshiloni hanga. Fhedzi Mudzimu u dzula e Mudzimu! Zwino, ni mmbudza uri muthu a nga ita zwenezwo? A zwiho kha muthu u zwi ita. Ndi Mudzimu we Yesu Kristo a fulufhedzisa uri u do vha fhano maduvhani a u fhedzisela na uri u do Dikhwaθisedza (henehfo phanda ha Mbeu ya Abrahamu) sa zwe zwa vha zwi zwone maduvhani a Sodoma.

¹⁴⁰ Zwino hafha, a thi mu divhi uyo mufumakadzi, ri vhatsinda, ndi a humbulela uri ndi lwa u thoma ri tshi tangana vhatshiloni. Naa ni a ntenda uri ndi mulanda Wawe? Naa ni a tenda uri ili ndi Ipfi? Nahone ni a divha uri arali... Ili Ipfi li kha di vha mutalukanyi wa mihumbulo na zwine mbilu ya fhima zwone. Naa izwo ndi zwone? Ipfi ndi Mufhodzi, na lone, arali ni tshi nga Li tenda. Ni a ralo? No tsirwa nga murunzi, na inwi-vho, nga murunzi mutswu. Ndi pfuko. Huno ni a tenda uri Mudzimu a nga mmbudza hune pfuko iyo ya vha hone? I kha mala a nga fhasi, u ralo dokotela. Naa ni a tenda zwino uri ni do fhodzwa? Tuwani, huno ni songo timatima na luthihi, huno Mudzimu u do ni nea mutakalo. Amene.

¹⁴¹ Ni a tenda, muñwe na muñwe? Zwo tou kokotolo zwe A fulufhedzisa u ita! Ivhani na lutendo kha Mudzimu, ni songo timatima.

¹⁴² Ri vhatsinda. A thi ni divhi. Arali ri vhatsinda, i ri ni vhathetshesi izwo vha zwi divhe, ri farana nga zwanda zwashu. Na kathihi a thi athu vhona uyo musadzi vhatshiloni hanga.

¹⁴³ Naa ni a tenda ngeyo nnda? Ni a tenda uri ndi Yesu Kristo? Naa ndi mini? Ndi Ipfi Lawe. Musi avha vhatnu vha tshi Li landula, a vha khou landula muthu, vha khou landula Ipfi. Ndi Ipfi le la vha li nga nnda, lo kundelwaho u vhuyeleta ngomu.

¹⁴⁴ Zwino, mufumakadzi ndi mutsinda kha nne. Na kathihi a thi athu mu vhona vhatshiloni hanga. Mudzimu ndi Mufhodzi. Zwi nga di vha zwi si zwa phodzo, zwi nga di vha zwi zwa tshiñwe tshithu-vho, fhedzi arali Mudzimu a tshi do ntalutshedza uri vhuleme hanu ndi mini, naa ni do ntenda? Tshithu tsha u thoma tshiné na tshi ḥodela thabelo, ndi, ni na ndevhe mmbi. Inwe ya ndevhe dzañu, a ni koni u pfa ngayo. Izwo ndi zwone. Izwo ndi ngoho. Huno zwenezwo ni na dzema, huno ni ḥodou litsha ilo dzema, ndi la u daha dzisigarete. Dzhenisani munwe wanu ndevheni yanu yavhudzi zwino, zwo luga, ndevhe yanu yavhudzi. Zwo luga. Zwino tendani Mudzimu huno ni bvele phanda ndilani yanu, nahone ni songo... nahone ni nga si tsha daha na dzisigarete arali ni tshi do tenda. Tuwani, huno Murena a ni fhañutshedze.

Ni vhona zwe zwa bvelela. Naa A si wa vhukuma?

¹⁴⁵ A thi ni divhi, ri vhatsinda. Na kathihi a thi athu ni vhona vhutshiloni hanga, fhedzi Mudzimu u a ni divha. Arali Mudzimu a tshi nga mmbudza tshiñwe tshithu nga ha inwi, naa ni do tenda?

¹⁴⁶ Naa vhathetshelesi vhothe vha do tenda? Hu na muñwe muthu ngeyo mnđa a no divha uyu musadzi? Hu na muñwe muthu kha vhathetshelesi a no divha uyu musadzi? Zwo luga, ni a divha arali izwi zwi ngoaho kana hai. Izwi zwi tea u li ladza. Izwi zwi tea u amba ngoaho.

¹⁴⁷ Zwino ni a kona u vhona zwe zwa bvelela kha miniti i si gathi yo fhiraho. Ni a vhona? Hu tou vha...ndi khou pepeleka. Ni a vhona? Hu tou vha tshiñwe na tshiñwe tshi tshi vha bofu kha nn̄e. Ni a vhona, Li khou ṭalukanya-. Ni a vhona, Ndi Muya Mukhethwa. A si nn̄e. Ndi Ipfi lo fulufhedziswaho ili ḫuvha. Na kathihi a zwi athu vha hone u bva mađuvhani a vhaapostola, na kathihi a zwi athu vha hone. Fhedzi he zwa pfi, “Heneffo hu sa athu da Murwa-muthu. Sa zwe zwa vha zwi zwone mađuvhani a Loto, zwi do ralo kha u da ha Murwa-muthu.” Vhadzia-usa-tenda a vha Li tendi. A vha lavhelelwi u Li tenda. Fhedzi vhatendi vha a Li tenda!

¹⁴⁸ Zwino, arali Muya Mukhethwa u tshi do dzumbulula izwi, ndi vhangana vhanne na do tenda nga mbilu yanu yothe, ni do imisa tshanda tshañu?

¹⁴⁹ Inwi ni na tshinyalelo. No vha na khombo ya modoro, yo losolola mañwe marambo a mutodo mutsingani wañu. Nahone ni na tswio yo losolowaho. Izwo ndi zwone, kani a si zwone? Inwi ni a tenda? Ni do luga. Rendani Murena.

¹⁵⁰ Inwi ni a tenda uri Mudzimu u a fhodza vhuleme ha tswio? Zwenezwo bvelani phanda huno ni ṭanganedze phodzo yanu.

¹⁵¹ Idani, mufumakadzi. Sedzani thungo heyi. Inwi ni a tenda uri Mudzimu u fhodza vhuleme ha mbilu? Zwo luga, bvelani phanda ndilani yanu huno ni tende, huno mbilu yanu i do luga.

¹⁵² Idani ngeno. Ni a tenda uri Mudzimu a nga fhodza muñodo wañu, a ni nea mutakalo? Tuwani huno ni zwi tende-ha.

Itonu tenda Mudzimu, ndi zwenezwo fhedzi zwine na tea u ita!

¹⁵³ Idani, mufumakadzi. Ni a tenda uri Mudzimu u a fhodza vhuleme ha dangani? Tuwani, ni le tshilalelo tshañu, ni tende nga mbilu yanu yothe.

¹⁵⁴ Idani. Ni a tenda uri Mudzimu a nga fhodza aṭhiraithisi? Zwenezwo tuwani, tendani, huno ni ite...huno Mudzimu u do ni nea mutakalo.

¹⁵⁵ Zwo luga, idani. Ni a tenda nga mbilu yanu yothe? Ni a tenda? Aṭhiraithisi, hafhu. Naa ni a tenda uri Mudzimu a nga ni fhodza? Tuwani, Li tendeni, ni ri, “Ndi a U livhuwa, Murena.”

Ndi vhangana vha no tenda ngeyo nn̄da? Naa ni a tenda?

¹⁵⁶ Uyu mufumakadzi o dzulaho hafha o ambaraho rokho tswuku, o imisaho tshanda tshawe henehafha, u khou tambula nga mutsiko wa malofha u re n̄tha. Ni a tenda uri Mudzimu a nga ni nea mutakalo? Ni a ralo? Zwo luga. Vheani zwanda zwanu kha uyo mufumakadzi a re tsini hanu henefho fhasi, huno ni mu vhudze uri ipfi lawe li do luga. Amene.

Ngezwo. Amene. Naa ni a tenda? Ivhani na lutendo!

¹⁵⁷ Munna ngoyu o dzulaho hafha, u na u bva malofha lutsingani. Naa ni a tenda, muñe wanga, no dzula henehafha? Ee, ni na u bva malofha lutsingani. Ni a tenda uri vhu do fhola?

¹⁵⁸ Mufumakadzi a re tsini hanu na ene u na u bva malofha lutsingani, nahone u na vhuleme ha muñodo. Ni a tenda uri Mudzimu u do ni fhodza? Ni a ralo? Imisani tshanda tshañu huno ni i ḥanganedze. Tendani.

¹⁵⁹ Uyu mufumakadzi a re tsini hanu u na vhuleme ha milenzhe yawe na khundu dzawe. Naa ni a tenda uri izwo ndi zwone, mufumakadzi? Ni a tenda uri ni do fhodzwa? Zwo luga, imisani tshanda tshañu, ni ri, "Ndi a i ḥanganedza."

¹⁶⁰ Zwo luga, mufumakadzi a re tsini hawe u na vhulwadze ho mu kavhaho. Ni a tenda uri Mudzimu u do fhodza uvho vhulwadze ho ni kavhaho, mufumakadzi o ambaraho dzingilasi? Imisani tshanda tshañu, ni ri, "Ndi a i ḥanganedza." Zwo luga, zwi tendeni.

¹⁶¹ Mufumakadzi a re tsini hawe u na vhuleme ha tswio. Naa ni a tenda uri Mudzimu u do fhodza vhuleme ha tswio, mufumakadzi? Zwo luga, imisani tshanda tshañu, ni i ḥanganedze.

¹⁶² Musidzanyana a re tsini hawe u na vhulwadze ha gulokulo. Ni a tenda uri Mudzimu u do fhodza vhulwadze ha gulokulo henefho? Imisani tshanda tshañu, i ḥanganedzeni.

¹⁶³ Ndi vhangana vhane na tenda nga mbilu yanu yothe? Zwenezwo imani nga milenzhe yanu huno ni i ḥanganedze. Takuwani Vhuhoneni ha Mudzimu wa Abrahamu, Isaka, na wa Yakobo.

¹⁶⁴ Nga Dzina la Murena Yesu Kristo Muya Mukhethwa nga u wele ngomu tshifhañoni zwino huno u fhodze muthu muñwe na muñwe Vhuhoneni Vhukhethwa!



MUDZIMU NDI MUTALUTSHEDZI WA ENE MUNE TSV64-0205
(God Is His Own Interpreter)

Hoyu Mulaedza nga Mukomana William Marrion Branham, u rangani wo äewa nga Tshiisimane nga madekwana a Ləvhuraru, Luhuhi 5, 1964, kha Kern County Fairgrounds ngei Bakersfield, California, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ɬhalutshedzo ya Tshivenda yo gandiswa huno ya phaðaladzwa nga vha Voice Of God Recordings.

TSHIVENDA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org